

GARAPEN JASANGARRIAREN ALDEKO ARABAKO ALIANTZA

2030

ALIANZA ALAVESA POR EL DESARROLLO SOSTENIBLE

HITZAURREA

2015eko irailean, "Gure mundua eraldatzen: garapen jasangarrirako 2030 Agenda" goiburuarekin, Nazio Batuen Batzarrak Garapen Jasangarrirako Agenda berria onetsi zuen, 2016z geroztik indarrean dagoena.

Garapen Jasangarrirako 2030 Agendaren helburua da pobrezia ezabatzea, planeta babestea, pertsona guztien oparotasuna ziurtatzea, bakea sendotzea eta justizia baliatzeko eskubide unibertsala ziurtatzea. Bestetik Agendak ekintza plan bat ezartzen du, garapen jasangarriko 17 helburu (GJH) eta 169 xede biltzen dituena, eta adierazpen politiko batean oinarritzen da, zeinaren bidez nazioarteko komunitate guztiari eta sektore eta agente guztiei dei egiten baitzaie nork bere konpromisoa har dezan Agenda hau betetzeko.

Arabako Foru Aldundiaren Gobernu Kontseiluak, 2017ko irailaren 26an, onetsi zuen Garapen Jasangarrirako 2030 Agendari atxikitzea, eta agenda hori egikaritzeko konpromisoa bere gain hartzea bere politika publikoetan. Era berean, konpromisoa hartu zuen 2030 Agendaren edukia eta irismena zabaltzeko eta hedarazteko Arabako lurralde historikoan, agente publikoen eta hango eta hemengo arlo eta sektoreetako agente pribatuen artean aliantzak sorraraziz, 2030 Agendak aldarrikatzen duen bezala.

ADIERAZPENA

Araba lurralde askotariko eta plurala da, baditu naturgune emblematicoak nahiz industria eta logistika garapeneko polo erreferentziazkoak, landa inguruneak nahiz hirigune garrantzitsuak, badauka kultur eta natur ondare aberats bat, leial dirau sustraiekiko eta usadioekiko, badu etengabe berritzeko bokazioa, eta sozietate berri, askotariko eta ireki bat du bere baitan.


Gure lurraldeak, beste gizarte guztiek bezalaxe, aurre egin behar die desafio zail eta globalei. Desberdintasunak hazi izana, ingurumena hondatzen aritzea, emakume eta gizonen artean dauden desorekak, garapenaren onurak oso desberdin banatzea eta klima aldaketa bera oztopo handiak dira etorkizun duin eta jasangarri bat ziurtatzeko pertsona guztientzat.

Hori dela eta, Garapen Jasangarrirako 2030 Agendaren garrantzia, asmo handia eta irismena direla eta, zorioneko gaude Agenda horri atxikimendua adierazi izanaz; zeren pertsonen, planetaren, oparotasunaren, bakearen eta Garapen Jasangarrirako 17 Helburuak (GJH) lortzearen aldeko mundu mailako konpromiso bat baita. Ezinbesteko tresna bat da, planeta osoan garapen eredu barnerakoi eta jasangarri batera igarotzea ziurtatzeko, bide orri bat, nazioarteko komunitate guztiak bere egin duena.



Arabako Foru Aldundia
Diputación Foral de Álava

Araba da erronka | El reto es Álava



KONPROMISOAK

Jabeturik ezen 2030 Agenda eta GJHak egikaritzeko konpromiso bat eta elkarrekiko ahalegin bat behar direla, Arabako lurraldeko ekonomia, gizarte, hezkuntza, kultura eta enpresa arloko agente publiko eta pribatuek geure lurraldearekiko eta bertan bizi diren pertsonetikiko konpromiso bat AGERTZEN DUGU, zalantzarik gabekoa.

Horretarako, **Garapen Jasangarrirako Arabako 2030 Aliantzaren** bidez, Arabako gizarteko entitate batzuek eta besteek garapen jasangarriaren alde egiten dugun lana aitortu eta sustatu nahi da. Aukera paregabea da hau elkarrekiko helburu baterako pausuak egiteko, Arabaren aldeko eta planetako pertsona eta herri guztien aldeko ahaleginak batzeko. Itun hau irekia, borondatezkoa eta parte hartzezkoa izango da.

Asmo eta helburu horiekin, konpromiso hauek sinatzen ditugu Nazio Batuen Garapen Jasangarriaren aldeko 2030 Agendaren alde:

- » Konpromisoa hartzen dugu indarrak batzeko eta, nor bere jardun arlotik, Araban ere 17 GJHak egikaritzen laguntzeko.
- » Konpromisoa hartzen dugu pertsona guztien giza eskubideak errespetatu, babestu eta sustatzeko, inolako diskriminaziorik gabe.
- » Konpromisoa hartzen dugu gure erabakiak eta ekintzak lagungarriak izan daitezen lurralde seguruago, oparago, barneratzaileago, berdintasunezkoago, erresilienteago eta jasangarriago baterako bidean aurrera egiteko.
- » Konpromisoa hartzen dugu gure entitateetan eta gure entitateetatik emakume eta gizonen arteko aukera berdintasuna sustatzeko, eta kultur dibertsitatea sustatzeko, arreta berezia jarritz pertsona eta kolektibo zaurkorrenei.
- » Konpromisoa hartzen dugu eraginkortasunez eta jasangarritasunez baliatzeko natur baliabideak eta eraginkortasunez eta jasangarritasunez kudeatzeko produkzio prozesuak, betiere pertsonen ongizatea hobetzea edukiz jomugatzat.
- » Konpromisoa hartzen dugu geure natur eta kultur ondarea kontserbatzen eta sustatzen laguntzeko, bereziki eraginez euskararen sustapenean eta erabileran.
- » Konpromisoa hartzen dugu gure jarduna gidatzen duten printzipiotzat hartzeko elkarlana, lankidetzeta eta guztien onura, gure herrien eta lurralde osoaren nortasun-balio berezkoak berreskuratuz eta sendotuz.
- » Konpromisoa hartzen dugu 2030 agenda eta GJHak egikaritzeko ekimenen alde egiteko eta haien zabalkunde eragiteko ekimenen alde egiteko.
- » Konpromisoa hartzen dugu aliantza eginik lan egiteko atzean inor geratuko ez den Araba bat eraikitzearen.

agenda2030araba.eus



Arabako Foru Aldundia
Diputación Foral de Álava

Araba da erronka | El reto es Álava